

## A protesta dos desempregados obriga ao concello de Nigrán a mover ficha

Escrito por Redaccion @valminorinfo  
Mércores, 20 Febreiro 2013 02:43

---



O goberno de Nigrán fai pública unha nota na que asegura que "está traballando" na posta en marcha de plans de formación e emprego "para sus vecinos".

O goberno de Nigrán promete gardar partidas nos presupostos de 2013 para plans de formación.

[As protestas](#) que realizan case a diario varios veciños da comarca en situación de desemprego provocou que a pasada semán o concello de Nigrán se pronunciase ao respecto. Nomeadamente, Alberto Valverde, avanzou na súa nota que "está traballando en la puesta en marcha de planes de empleo y de formación para los vecinos del municipio."

Sen concretar nada aínda, Valverde asegura que "**en las próximas semanas concretaremos algunas de las medidas que llevaremos a cabo**

, que permitan a nuestros vecinos seguir formándose y preparándose para incorporarse, por primera vez en el caso de los jóvenes, o reincorporarse al mercado laboral".

Neste sentido o goberno municipal a asegura que esta liña de actuación verase respaldada cunha partida, aínda sen determinar, nos próximos orzamentos municipais de 2013.

**No ano 2012 o concello de Nigrán apenas destinou 18.000 euros dun orzamento total de 13,6 millóns de euros**, para unha área, que segundo declaracións de Valverde ao [Faro de](#)

### Vigo

en

decembro de 2011, "a crise económica obrigáao a realizar un esforzo en servicios sociais e na creación de emprego". Valverde comprometía tamén para 2012 políticas de desenvolvemento do comercio local e do turismo para crear postos de traballo cando a cresta de desemprego en Nigrán rozaba os 1700 desempregados.

Nesta liña, **Valverde compromete novamente para 2013 "partidas específicas" sen determinar aínda, para a concellalía de Promoción empresarial, Comercio e Emprego** que dirixe Rosa Rodríguez, e que se destinarán "á posta en marcha de iniciativas de promoción de emprego entre os veciños do municipio".

O rexedor municipal insiste na súa nota, na importancia do parque empresarial de Porto do Molle como motor para a creación de postos de traballo a medida que se vaian instalando empresas. "El parque empresarial será también un importante germen de emprendedores, una de las salidas más importantes e interesantes en el entorno actual", agregou.

Valverde excusou as escasas competencias da administración local en materia de emprego **"La administración local tiene competencias muy limitadas en materia de generación de empleo"**

unhas declaracións que contrastan coa labor levada acabo na oposición cando neste sentido o Partido Popular presentou en marzo de 2011 unha

[moción pedindo ao goberno local chegar a acordos coas empresas de Porto do Molle](#)

, para garantir aos veciños de Nigrán un posto de traballo no parque empresarial nun momento no que a cifra de parados situábase xa en 857 persoas.

### **O PXOM e a construción, como outros horizontes de emprego local**

O goberno municipal asegura tamén o seu compromiso para "limitar" a empresas locais, que empreguen a veciños, para actuacións e contratacións de obras e servizos que precise a administración local "Fomentaremos la contratación de empresas locales que trabajen con personal local, siempre y cuando se entren dentro de los parámetros de competitividad y transparencia en las contrataciones", sinalou Valverde.

Dende o concello lanzan tamén unha chiscadela ao sector da construción a través do futuro

## **A protesta dos desempregados obriga ao concello de Nigrán a mover ficha**

Escrito por Redaccion @valminorinfo  
Mércores, 20 Febreiro 2013 02:43

---

Plan Xeral de Ordenación Municipal. "La aprobación inicial del Plan General de Ordenación Municipal será otro factor importante para reactivar la economía local, con la recuperación paulatina de muchos sectores que conllevará a la generación de nuevos puestos de trabajo." Valverde asegura que o PXOM parobarase inicialmente "en un breve periodo de tiempo".